

**Talamdan
sa Mga Mensahe alang sa Full-time Training
sa Fall Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
GALACIA**

Mensahe 4

**Namatay ngadto sa Kasugoan aron Mabuhì Ta ngadto sa Dios
sa Organicong Pagkausa Nato ni Cristo**

Basahong Kasulatan: Gal. 2:16, 19; Juan 15:4-5; Buh. 26:19; Rom. 11:17; 1 Juan 2:27-28

I. “Pinaagi sa kasugoan namatay ko sa kasugoan aron mabuhì ko ngadto sa Dios”—Gal. 2:19:

- A. Gihisgotan sa Galacia 2:19 ang duha ka tumong—ang kasugoan ug ang Dios.
- B. Dunay duha ka matang sa pagtagad sa Galacia 2:19: ang usa mao ang mamatay, ug ang usa pa mao ang mabuhì, sa ato pa, magtagad sa kasugoan pinaagi sa pagkamatay ug magtagad sa Dios pinaagi sa pagkabuhì.
- C. Gipangayo sa kasugoan nga mamatay tang mga makasasala, ug sumala sa gipangayo, namatay si Cristo alang nato ug uban nato; busa, pinaagi sa kasugoan namatay na ta diha ni Cristo ug uban ni Cristo—v. 19:
 - 1. Ang *namatay* [ta] sa *kasugoan* nagpasabot nga gitapos na ang relasyon nato sa kasugoan.
 - 2. Ang *mabuhì ngadto sa Dios* nagpasabot nga maobligar ta sa Dios diha sa diosnong kinabuhì
 - 3. Diha sa kamatayon ni Cristo natapos na ang relasyon nato sa kasugoan; diha sa Iyang pagkabanhaw manubag ta sa Dios diha sa kinabuhì sa pagkabanhaw.
 - 4. Mamatay ngani ta sa kasugoan, dili lang nga namatay ta, kondili namatay sab ang kasugoan.
 - 5. Mabuhì ngani ta ngadto sa Dios, nabuhì ta ug ang Dios.
 - 6. Kita ug ang Dios, ang Dios ug kita, hiniusang nabuhì; matahom kaayo kini ug tinuod gyod nga misteryo.
 - 7. Sa pagkamatay lang nato sa kasugon nga mabuhì ta ngadto sa Dios—v. 19.
- D. Ang mabuhì ngadto sa Dios kana mang mapuno sa Dios ug makig-ambitay sa Dios sa paghiklin nato sa tanang kabalaoran sa atong tawhanong kinabuhì maingon man sa tanan natong paglaom, mga paghukom, ug mga pangandoy aron dunay sukaranan ang Dios nga makahari ug makabuhat sa sulod nato—Rom. 5:17; 7:4; Gal. 2:8; Col. 1:29.
- E. Kon mabuhì ta ngadto sa kasugoan, mamatay ta ngadto sa Dios—Rom. 7:4, 7.
- F. Kon padayon tang makigrelasyon sa kasugoan, mabugto ang relasyon nato sa Dios.
- G. Kon makig-ambitay ta sa Dios adlaw-adlaw ug pakinabuhion Siya sa sulod nato matag gutlo, nan mamatay ta sa kasugoan, mabugto ang relasyon nato sa kasugoan, ug mabuhì ta ngadto sa Dios—Gal. 2:19.
- H. Ang mabuhì ngadto sa Dios dili mga kabalaoran o mga pamaagi ba; ang buhing Dios hinuon kini nga atong kinabuhì sa sulod nato—v. 19.
 - I. Ang mabuhì ngadto sa Dios mabuhì man ngadto sa nahikay nga Tulo-usang Dios nga nahingpit nga Espiritu uban sa tanang organicong kaayo Niya, nga mahimong maayong kagawian nato nga magpadayag ni Cristo nga pagkinabuhì nato sa pagkabanhaw—2 Cor. 13:14; Heb. 10:16.
 - J. Mabuhì ta ngadto sa Dios nga gipakalawas diha ni Cristo ug naamgohan nga Espiritu, nga maoy kahingpitan sa Tulo-usang Dios aron ipaambit ang Tulo-usang Dios nga kinabuhì nganhi nato ug mabuhì sa sulod nato isip atong kinabuhì nga magpadayag ni Cristo—8:10; 10:16.

II. Namatay na ta ngadto sa kasugoan ug nabuhi ngadto sa Dios tungod sa organicong pagkausa nato ni Cristo:

- A. Ang pulong *organico* nagpasabot nga bug-os gyong iya sa kinabuhi ang organicong pagkausa.
- B. Gipadayag sa Biblia ang organicong pagkausa sa relasyon sa Dios sa tawo—Juan 15:4-5; 1 Cor. 6:17; Rom. 12:4-5; 1 Tes. 1:1.
- C. Labing maayong hulagway sa organicong pagkausa nato ni Cristo ang sinumpayng kinabuhi tali sa gisumpay nga mga sanga ug sa inugmad nga kahoy—Rom. 11:17:
 - 1. Mga sanga ta kanhi sa ihalas nga kahoyng olivo, apan mga sanga na ta karon nga gisumpay ni Cristo—v. 17.
 - 2. Si Cristo ang kahoyng olivo nga gisumpayan nato.
 - 3. Nagpalugwag organicong pagkausa ang pagsumpay:
 - a. Dili kini pag-ilis sa ubos nga kinabuhi og mas maayong kinabuhi.
 - b. Pag-usa hinuon kini sa duha ka kinabuhi aron kausahan nila ang usa ka sinagol nga kinabuhi ug pagkinabuhi.
 - c. Mahitabo kanang panagsagola sa kinabuhi kon moagi sa kamatayon (pagputol) ug pagkabanhaw (pagtubo) ang duha ka managsama apan managlahi nga kinabuhi; naghulagway kini sa pagkausa nato ni Cristo.
- D. Ang organicong pagkausa maoy labing mahinungdanong aspeto sa pagsinati nato ni Cristo—Juan 15:4-5.
- E. Aron makasinati ug makapahimulos ta ni Cristo, kinahanglan makita nato ang tin-awng panan-awon kalabot sa organicong pagkausa nato Kaniya—Buh. 16:9; 26:19.
- F. Gipadayag una sa Biblia kanato ang persona ni Cristo, unya gipadayag niini kanato ang buhat Niya; human ning duha ka sukaranong pinadayag, gipadayag sa Biblia kanato ang organicong pagkausa nato ni Cristo—Efe. 3:3-4, 9-10.
- G. Bisan unsa si Cristo ug bisan unsay nabuhat Niya alang ra gyod ning usa ka butang—nga organico Siyang mausa nato—1 Juan 2:27-28.
- H. Pinaagi sa pagtuo nato ni Cristo ug sa pagpabautismo nato nganha Niya, organicong nausa ni Cristo kitang mga magtutuo—Juan 15:16; Rom. 6:3, 5.
- I. Sa pagtuo nato ni Cristo ug gibautismohan nganha Niya, nahitabo ang organicong pagkausa sa atong pagkatawo—Gal. 3:26-27.
- J. Kinalabwang kinaiya sa sinulat ni Pablo ang paghatag og pagtagad sa organicong pagkausa—Rom. 12:5; 1 Cor. 4:15; 2 Cor. 5:17; 12:2:
 - 1. Ang *pagtuo diha ni Jesucristo* nagpasabot og organicong pagkausa pinaagi sa pagtuo—Gal. 2:16.
 - 2. Pinaagi sa organicong pagkausa nato ni Cristo, nakaambit ta sa bisan unsang pagkamao ug naba-tonan ni Cristo—1 Cor. 1:30.
 - 3. Naghisgot ang Galacia 2:16 sa pagtuo diha ni Cristo, ug ang versiculo 20, sa pagtuo sa Anak sa Dios.
 - 4. Ang pamulong *tungod sa pagtuo diha ni Jesucristo* sa Galacia 2:16 nagpasabot sa pagtuo nato ni Cristo pinaagi sa Iyang pagtuo; may kalabotan kini sa pagtamod sa mga magtutuo sa persona sa Anak sa Dios nga maoy labing bililhon.
 - 5. Natuhopan ang mga magtutuo sa pagkabililhon ni Cristo pinaagi sa ebanghelyong gisangyaw kanila—1:6-7, 9, 11, 16, 23; 2:2, 5, 7, 14; 3:8; 4:13.
 - 6. Nahimong pagtuo diha nila kining Cristoha nga maoy gituo nila ug ang kahimoan nila sa pagtuo pinaagi sa pagtamod nila Kaniya.
 - 7. Nisangpot kining pagtuo sa organicong pagkausa nga niini nausa ta ug si Cristo—2:16.
- K. Si Cristo ug kita usa ray tuyo ug usa ray tumong; kini ang kinataposang kahingpitan sa organicong pagkausa nato Kaniya—Efe. 1:11; 3:11; 1 Cor. 9:26.